

Inaak malastakiVatan tu Lainiqaiiban

Maaq a Bunun siduq a haiza tu taismihima; TakaBanuaz, Bubukun, takiTudu, takiBakha siin takiVatan. Alhaizang dau tupaun tu takiPula'an tu siduq a, niin dau pia ka inaita siduq bunun, mudaukdaukin min'uka, tismaupata aingka musquin, ni'in ata tuisiduq intaa laupakadau.

Vaivivaivi mita hima siduq tu sinbabazbaz qalinaga; mamaszang tu qaimamangsut a, nii a sintungan qalinga maszang; tupa takiVatan tu “ngul'a”, haiza siduq a tupa tu “tipin”. Mamaszang a sinsusuaz a, nii a sinbazbaz qalinga maszang; tupa takiVatan tu “lamuqu”, haiza siduq a tupa tu “pu'i, cipul, acipul”. Maszang tu madadaingaz a, nii a sinluluklas qalinga maszang; tupa takiVatan tu “aki”, haiza siduq a tupa tu “qudas siin hudas”.

Tupa takiVatan tu, “Mun'isaq aas?” Maaq a duma siduq a tupa tu, “Mun'isaq asu?” Haizang a duma siduq tupa tu, “Ku'isas?” Tis'uni tu niin mita dangi'anan maluskun, ula'anin didingalan vaivi siduq tu qalinga. Maszang tupaun mita tu dulaz, ula'anin a ata takiVatan itu Bantalang tu qalinga, tupa mita takiVatan tu hakhak; almananu a tupaun mita tu inaliv.

Mazima ata takiVatan sipuputuq qalinga bazbaz; maupata ata takiVatan bazbaz tu, “ Nii salpu' aang, nahalang aas.” sintupa tu, “Nitu masalpu' ka is'aang, namihalang ass.” Mungain mita sinbabazbaz qalinga maszang malastakBanuaz tu qalinga. Aupa haiphaipin ata takiVatan maisnahaan takBanuaz asang mudaan minvaaz.

Mazima ata amin patatatnul ima pababazbaz, tis'uni a madadaingaz iquma kuzakuza maldahdah a dangi'anan, nitu asa paluluklas a, aupa nanitu utan'aan muqain dau aingka patatatnul i inaita ima mapabazbaz. Maaq i saduan a, maszang tutuza iu'iungi tu paidadaza inaita ima.

Maaq mita qalinga a sidauppusun bazbaz. Tupa ata tu, “Kandaukdauk naip aas muda~an.” “ Isaq a~as?” Maszang pisdadaidaz a sinbabazbaz, masihal dau ka qalinga tan'aun. Muqa tu maaq i masu'nuq tu sinbazbaz a, siputuqun a qalinga, sitikisun a qalinga bazbaz, maszang tutuza madungdung bunun tu uka'an dau haqbung.

.

我說丹群布農族語的經驗

布農族有五社群：巒社、郡社、卓社、卡社及丹社群。丹群說話喜歡縮短，「Nii salpu' aang, nahalang aas」是「Nitu masalpu' ka is'aang, namihalang asu」很像巒社群語，語言也會被鄰近的族群影響，糯米「dulaz」被影響稱為「hakhak」；年糕「inaliv」被影響稱為「muci」。我們說話尾音喜歡拉高，「Kandaukdauk naip aas muda～an」你去哪兒？「Isaq a～as？」。生氣時，尾音就縮短，聲音變小，好像沒有脾氣一樣。

耆老說，丹群族人性格溫馴，在 Haulvatan 生活，農作物果實飽滿豐沛，人們豐潤健康，講起話來溫和有禮。